

水經注匯校卷二十二

江西新城楊希閔卧雲校本

後魏酈道元撰

潁水 洧水 溟水

潛水 渠沙水

潁水出潁川陽城縣西北少室山

秦始皇十七年滅韓以其地為潁川郡蓋因水以著稱者也漢高帝二年以為韓國王莽之左隊也山海經曰潁水出少室山地理志曰出陽城縣陽乾山今潁水有三源奇發右水出陽乾山之潁谷春秋潁考叔為其封人其水東北流中水導源少室通阜東南流逕負黍亭東春秋定公六年鄭伐馮滑負黍者也馮敬通顯志賦曰求善卷之所

水經注匯校卷二十二

一

在遇許由于負黍京相璠曰負黍在潁川陽城縣西南二十七里世謂之黃城也亦或謂是水為灑水東與右水合左水出少室南溪東合潁水故作者互舉二山言水所發也呂氏春秋曰卞隨恥受湯讓自投此水而死張顯逸民傳嵇叔夜高士傳並言投澗水而死未知其孰是也

東南過其縣南

潁水又東五渡水注之其水導源密高縣東北

何云崇地理志作密

注云古崇字太室東溪縣漢武帝置以奉太室山谷謂之崧陽

城及春夏雨汎水自山頂而迭相灌澍嶠流相承為二十

八浦也賜早輟津而石潭不耗道路遊憩者惟得餐飲而

已無敢澡盥其中苟不如法必數日不豫是以行者憚之

山下大潭周數里而清深肅潔。水中有立石高十餘丈。廣二十許步。上甚平整。縑素之士多汎舟升陟。取暢幽情。其水東南逕陽城西。石溜縈委。溯者五涉。故亦謂之五渡水。東南流入潁水。潁水逕其縣故城南。昔舜禪禹禹避商均伯益避啟並于此也。亦周公以土圭測日景處。漢成帝永始元年封趙臨爲侯國也。縣南對箕山。山上有許由冢。堯所封也。故太史公曰。余登箕山。其上有許由墓焉。山下有牽牛墟。側潁水有犢泉。是巢父還牛處也。石上犢跡存焉。又有許由廟。碑闕尙存。是漢潁川太守朱寵所立。潁水逕其北。東與龍淵水合。其水導源龍淵。東南流逕陽城北。又東南入于潁。潁水又東平洛溪水注之。水發玉女臺。下平

水經注匯校

卷二十二

二

洛澗世謂之平洛水。呂忱所謂勺水出陽城山。蓋斯水也。又東南流注于潁。潁水又東出陽關。歷康城南。魏明帝封尙書右僕射衛臻爲康鄉侯。此卽臻封邑也。又東南過陽翟縣北。

潁水東南流逕陽關。聚聚夾水相對。俗謂之東西二土城也。潁水又逕上棘城西。又屈逕其城南。春秋左傳襄公十八年。楚師伐鄭。城上棘以涉潁者也。縣西有故堰。堰石崩。禿頽基尙存。潁水枝流所出也。其故瀆東南逕三封山北。今無水。渠中又有泉流出焉。時人謂之嵎水。東逕三封山。東東南歷大陵西。連山亦曰啟筮亭。啟享神于大陵之上。卽鈞臺也。春秋左傳曰。夏啟有鈞臺之饗。是也。杜預

曰河南陽翟縣南有鈞臺其水又東南流水積爲陂陂方  
十里俗謂之鈞臺陂蓋陂指臺取名也又西南流逕夏亭  
城西又屈而東南爲郊之靡陂潁水自竭東逕陽翟縣故  
城北夏禹始封於此爲夏國故武王至周曰吾其有夏之  
居乎遂營洛邑徐廣曰河南陽城陽翟則夏地也春秋經  
書秋鄭伯突入于櫟左傳桓公十五年突殺檀伯而居之  
服虔曰檀伯鄭守櫟大夫櫟鄭之大都宋忠曰今陽翟也  
周末韓景侯自新鄭徙都之王隱曰陽翟本櫟也故潁川  
郡治也城西有郭奉孝碑側水有九山祠碑叢柏猶茂北  
枕川流也

又東南過潁陽縣西又東南過潁陰縣西南

水經注匯校

卷二十二

三

應劭曰縣在潁水之陽故邑氏之按東觀漢記漢封車騎  
將軍馬防爲侯國防城門校尉位在九卿上絕席潁水又  
南逕潁鄉城西潁陰縣故城在東北舊許昌典農都尉治  
也後改爲縣魏明帝封侍中辛毗爲侯國也潁水又東南  
逕柏祠曲東歷岡丘城南故汾丘城也春秋左傳襄公十  
八年楚子庚治兵于汾司馬彪曰襄城縣有汾丘杜預曰  
在襄城縣之東北也逕繁昌故縣北曲蠡之繁陽亭也魏  
書國志曰文帝以漢獻帝延康元年行至曲蠡登壇受禪  
于是地改元黃初其年以潁陰之繁陽亭爲繁昌縣城內  
有三臺時人謂之繁昌臺壇前有二碑昔魏文帝受禪于  
此自壇而降曰舜禹之事吾知之矣故其石銘曰遂于繁

昌築靈壇也于後其碑六字生金論者以爲司馬金行故曹氏六世遷魏而事晉也。潁水又東南流逕青陵亭城北北對青陵陂陂縱廣二十里潁水逕其北枝入爲陂陂西則澗水注之水出襄城縣之邑城下東流注于陂陂水又東入臨潁縣之狼陂潁水又東南流而歷臨潁縣也。又東南過臨潁縣南又東南過汝南潁強縣北洧水從河南密縣東流注之。

臨潁舊縣也潁水自縣西注小潁水出焉爾雅曰潁別爲沙郭景純曰皆大水溢出別爲小水之名也亦猶江別爲沱也潁水又東南逕臯城北卽古臯城亭矣春秋經書公及諸侯盟于臯馳者也臯澤字相似何云臯字古名與字人多作畢

水經注匯校

卷二十二

四

乖耳潁水又東逕潁陽城南竹書紀年曰孫何取潁陽潁強城在東北潁水不得逕其北也潁水又東南潁水入焉非洧水也

又東過西華縣北

王莽更名之曰華望也有東故言西矣世祖光武皇帝建武中封鄧晨爲侯國漢濟北戴封字平仲爲西華合遇天旱慨治功無感乃積柴坐其上以自焚火起而大雨暴至遠近歎服永元十三年徵太常焉縣北有習陽城潁水逕其南經所謂洧水流注之也

又南過女陽縣北

案漢志女陽師古曰女讀曰汝其下女陰亦同近刻女汝字雜用

縣故城南有汝水枝流故縣得厥稱矣闕駟曰本汝水別

流其後枯竭號曰死汝水故其字無水。余按汝女乃方俗之音。故字隨讀改未必一如闕氏之說。以窮通損字也。潁水又東大潁水注之。又東南逕博陽縣故城。東城在南頓縣北四十里。漢宣帝封邴吉爲侯國。王莽更名樂嘉。又東南過南頓縣北潁水從西來流注之。

潁水于樂嘉縣入潁。不至于頓。頓故頓子國也。周之同姓春秋僖公二十五年楚伐陳納頓子于頓是也。俗謂之潁陰城非也。潁水又東南逕陳縣南。又東南左會交口者也。又東南至新陽縣北。菴蕩渠水從西北來注之。

經云菴蕩渠者百尺溝之名別也。潁水南合交口新溝。自是東出潁。上有堰謂之新陽堰。俗謂之山陽塌。非也。新溝

自潁北東出縣在水北。故應劭曰縣在新水之陽。今縣故城在東明。潁水不出其北。蓋經誤耳。潁水自堰東南流逕項縣故城北。春秋僖公十七年魯滅項是矣。潁水又東右合谷水。水上承平鄉。諸陂東北逕南頓縣故城南側。城東注春秋左傳所謂頓迫于陳而奔楚。自頓徙南。故曰南頓也。今其城在頓南三十餘里。又東逕項城中。楚襄王所郭以爲別都。都內西南小城。項縣故城也。舊潁州治谷水逕小城北。又東逕魏豫州刺史賈逵祠北。王隱言祠在城北。非也。廟在小城東。昔王淩爲宣王司馬。懿所執。趙氏一清三字注。屈廟而歎曰。賈梁道。王淩魏之忠臣。惟汝有靈。知之。遂仰鳩而死。廟前有碑。碑石金生。干寶曰。黃金可採爲

晉中興之瑞谷水又東流出城東注潁潁水又東側潁有公路城袁術所築也故世因以術字名城矣潁水又東逕臨潁城北城臨水闕南面又東逕雲陽二城間南北翼水並非所具又東逕丘頭丘頭南枕水魏書郡國志曰宣王軍次丘頭王凌面縛水次故號武丘矣何云案魏書甘露三年司馬文王破諸葛誕下詔改邱頭爲武邱非宣王事也潁水又東南流于故城北細水注之趙氏一清曰細水說文作涵從水函聲水上承陽都陂陂水枝分東南出爲細水東逕新陽縣故城北又東南逕宋縣故城北縣卽所謂鄴丘者也秦伐魏取鄴丘謂是邑矣漢成帝綏和元年詔封殷後于沛以存三統平帝元始四年改曰宋公章帝建初四年徙邑于此故號新鄴爲宋公國也王莽之新延

矣細水又南逕細陽縣新溝水注之溝首受交口東北逕新陽縣故城南漢高帝六年封呂青爲侯國王莽更名曰新明也故應劭曰縣在新水之陽今無水故渠舊道而已東入澤渚而散流入細細水又東南逕細陽縣故城南王莽更之曰樂慶也世祖建武中封岑彭子遵爲侯國細水流屈而西南入潁地理志曰細水出細陽縣東南入潁潁水又東南流逕胡城東故胡子國也春秋定公十五年楚滅胡以胡子豹歸是也杜預釋地曰汝陰縣西北有胡城也潁水又東南汝水枝津注之水上承汝水別瀆于奇洛城東三十里世謂之大瀆水也東南逕召陵縣故城南春

秋左傳僖公四年齊桓公師于召陵責楚貢不入卽此處也。城內有大井徑數丈水至清深闕駟曰召者高也其地丘墟井深數丈故以名焉。又東南逕征羌縣故召陵縣之安陵鄉安陵亭也。世祖建武十一年以封中郎將來歛歛以征定西羌功故更名征羌也。闕駟引戰國策以爲秦昭王欲易地謂此非也。汝水別溝又東逕公路臺北臺臨水方百步袁術所築也。汝水別溝又東逕西門城卽南利也。漢宣帝封廣陵厲王子劉昌爲侯國縣北三十里有孰城號曰北利故瀆出于二利之間。閭關女陽之縣世名之死汝縣取水名故曰女陽也。又東逕南頓縣故城北又東南逕鮑陽城北又東逕邛鄉城北又東逕固始縣故城北地

水經注匯校

卷二十二

七

理志縣故寢也。寢丘在南故藉丘名縣矣。王莽更名之曰閭治。孫叔敖以土浸薄取而爲封故能繇嗣城北猶有叔敖碑。建武二年司空李通又慕叔敖受邑故光武以嘉之更名固始。別汝又東逕蔡岡北岡上有平陽侯相蔡昭冢。昭字叔明周后稷之冑冢有石闕闕前有二碑碑字淪碎不可復識。羊虎傾低殆存而已。枝汝又東北流逕胡城南而東歷女陰縣故城西北東入潁水。潁水又東逕女陰縣故城北。史記高祖功臣侯者年表曰高祖六年封夏侯嬰爲侯國王莽更名之曰汝瀆也。縣在汝水之陰故以汝水納稱城西有一城故陶丘鄉也。汝陰郡治城外東北隅有舊臺翼城若丘俗謂之女郎臺。雖經頽毀猶自廣崇上有

一井疑故陶丘鄉所未詳

又東南至慎縣東南入于淮

潁水東南流左合上吳百尺二水俱承次塘細陂南流注于潁潁水又東南江陂水注之水受大滌陂陂水南流積爲江陂南逕慎城西側城南流入于潁潁水又逕慎縣故城南縣故楚邑白公所居以拒吳春秋左傳哀公十六年吳人伐慎白公敗之王莽之慎治也世祖建武中封劉賜爲侯國潁水又東南逕蠓螭郭東俗謂之鄭城矣又東南入于淮春秋昭公十二年楚子狩于州來次于潁尾蓋潁水之會淮也

洧水出河南密縣西南馬領山

水經注匯校

卷二十二

八

水出山下亦言出潁川陽城山山在陽城縣之東北蓋馬領之統目焉洧水東南流逕一故臺南俗謂之陽子臺又東逕馬領塢北塢在山上塢下泉流北注亦謂洧別源也而入于洧水洧水東流緩水會焉水出方山緩溪卽山海經所謂浮戲之山也東南流逕漢弘農太守張伯雅墓塋域四周壘石爲垣隅阿相降列于緩水之陰庚門表二石闕夾對石獸于闕下冢前有石廟列植三碑碑云德字伯雅河南密人也碑側樹兩石人有數石柱及諸石獸矣舊引緩水南入塋域而爲池沼沼在丑地皆蟾螭吐水石隍承溜池之南又建石樓石廟前又翼列諸獸但物謝時淪凋毀殆盡夫富而非義比之浮雲况復此乎王孫士安斯



爲達矣。綏水又東南流逕上郭亭南。東南注洧。洧水又東襄荷水注之。水出北山子節溪。亦謂之子節水。東南流注于洧。洧水又東會瀝滴泉。水出深溪之側。泉流丈餘。懸水散注。故世士以瀝滴稱。南流入洧水也。

東南過其縣南

洧水又東南流與承雲二水合。俱出承雲山。二源雙導。東南流注于洧。世謂之東西承雲水。洧水又東。微水注之。水出微山。東北流入于洧。洧水又東逕密縣故城南。春秋謂之新城。左傳僖公六年。會諸侯伐鄭。圍新密。鄭所以不時城也。今縣城東門南側有漢密令卓茂祠。茂字子康。南陽宛人。溫仁寬雅。恭而有禮。人有認其馬者。茂與之曰。若非

水經注匯校

卷二十二

九

公馬幸至丞相府。歸我遂挽車而去。後馬主得馬謝而還之。任漢黃門郎。遷密令。舉善而教。口無惡言。教化大行道。不拾遺蝗。不入境。百姓爲之立祠。享祀不輟矣。洧水又左會瓌泉水。水出玉亭西北。流注于洧水。洧水又東南與馬關水合。水出玉亭下。東北流。歷馬關。謂之馬關水。又東北注于洧。洧水又東。合武定水。水北出武定岡。西南流。又屈而東南流。逕零鳥塢。西側塢東南流。塢側有水。懸流赴壑。一匹有餘。直注澗下。淪積成淵。嬉遊者矚望奇爲佳觀。俗人覩此水。挂于塢側。遂目之爲零鳥水。東南流入于洧。洧水又東。與虎贖山水合。水發南山。虎贖溪東北流。入洧。洧水又東南。赤澗水注之。水出武定岡。東南流。逕皇臺岡下。

又歷岡東東南流注于洧洧水又東南流潛水注之洧水  
又東南逕鄆城南世本曰陸終娶于鬼方氏之妹謂之女  
隤是生六子孕三年啟其左脅三人出焉破其右脅三人  
出焉其四曰萊言是爲鄆人鄆人者鄭是也鄭桓公問于  
史伯曰王室多難予安逃死乎史伯曰虢鄆公之民遷之  
可也鄭氏東遷虢鄆獻十邑焉劉楨云鄆在豫州外方之  
北北鄰于虢都滎之南左濟右洛居兩水之間食溱洧焉  
徐廣曰鄆在密縣妘姓矣不得在外方之北也洧水又東  
逕陰坂北水有梁焉俗謂是濟爲參辰口左傳襄公九年  
晉伐鄭濟于陰坂次于陰口而還是也杜預曰陰坂洧津  
也服虔曰水南曰陰口者水口也參陰聲相近蓋傳呼之

水經注匯校

卷二十二

十

謬耳又晉居參之分實沈之土鄭處大辰之野闕伯之地  
軍師所次故濟得其名也

又東過鄭縣南潛水從西北來注之

洧水又東逕新鄭縣故城中左傳襄公元年晉韓厥荀偃  
帥諸侯伐鄭入其郭敗其徒兵于洧上是也竹書紀年晉  
文侯二年周惠王子多父伐鄆克之乃居鄭父之丘名之  
曰鄭是曰桓公皇甫士安帝王世紀云或言縣故有熊氏  
之墟黃帝之所都也鄭氏徙居之故曰新鄭矣城內有遺  
祠名曰章乘是也洧水又東爲洧淵水春秋傳曰龍鬪于  
時門之外洧淵卽此潭也今洧水自鄭城西北入而東南  
流逕鄭城南城之南門內舊外蛇與內蛇鬪內蛇死六年

大夫傅瑕殺鄭子納厲公是其徵也水南有鄭莊公望母臺莊姜惡公寤生與段京居段不弟姜氏無訓莊公居夫人于城潁誓曰不及黃泉無相見也故成臺以望母用伸在心之思感考叔之言忻大隧之賦洩洩之慈有嘉融融之孝得常矣洧水又東與黃水合經所謂澮水非也黃水出太山南黃泉東南流逕華城西史伯謂鄭桓公曰華君之士也韋昭曰華國名矣史記秦昭王三十三年白起攻魏拔華陽走芒卯斬首十五萬司馬彪曰華陽亭名在密縣嵇叔夜常采藥于山澤學琴于古人卽此亭也黃水東南流又與一水合水出華城南岡一源兩分泉流派別東爲七虎澗水西流卽是水也其水西南流注于黃水黃卽

水經注匯校

卷二十二

十一

春秋之所謂黃崖也故杜預云苑陵縣西有黃水者也又東南流水側有二臺謂之積粟臺臺東卽二水之會也捕獐山水注之水東出捕獐山西流注于黃水黃水又南至鄭城北東轉于城之東北與黃溝合水出捕獐山東南流至鄭城東北入黃水黃水又東南逕龍淵東南七里溝水注之水出隙候亭東南平地東注又屈而南流逕升城東又南歷燭城西卽鄭大夫燭之武邑也又南流注于洧水也

又東南過長社縣北

洧水東南流南濮北濮二水入焉濮音僕

閔案三字注中注

洧水

又東南與龍淵水合水出長社縣西北有故溝上承洧水

水盛則通注龍淵水減則津渠輟流其瀆中漲泉南注東轉爲淵綠水平潭清潔澄深俯視游魚類若乘空矣所謂淵無潛鱗也又東逕長社縣故城北鄭之長葛邑也春秋隱公五年宋人伐鄭圍長葛是也後社樹暴長故曰長社魏潁川郡治也余以景明中出宰茲郡于南城西側脩立客館版築旣興于土下得一樹根甚壯大疑是故社怪長暴茂者也稽之故說縣無龍淵水名蓋出近世矣京相璠春秋土地名曰長社北界有稟水但是水導于隍壑之中非北界之所謂又按京杜地名並云長社縣北有長葛鄉斯乃縣徙于南矣然則是水卽稟水也其水又東南逕棘城北左傳所謂楚子伐鄭救齊次于棘澤者也稟水又東

水經注匯校

卷二十二

十一

左注洧水洧水又東南分爲二水其枝水東北流注沙一水東逕許昌縣故許男國也姜姓四岳之後矣穆天子傳所謂天子見許男于洧上者也漢章帝建初四年封馬光爲侯國春秋佐助期曰漢以許昌失天下及魏承漢歷遂改名許昌也城內有景福殿基魏明帝太和中造準價八百餘萬洧水又東入汶倉城內俗以是水爲汶水故有汶倉之名非也蓋洧水之邸閣耳洧水又東逕鄆陵縣故城南李奇曰六國爲安陵也昔秦求易地唐且受使于此漢高帝十二年封都尉朱濞爲侯國王莽更名左亭洧水又東鄆陵陂水注之水出鄆陵南陂東南流注于洧水也又東南過新汲縣東北

洧水自鄆陵東逕桐丘南俗謂之天井陵又曰岡非也洧水又屈而南流水上有梁謂之桐門橋藉桐丘以取稱亦言取桐門亭而著目焉然不知亭之所在未之詳也洧水又東南逕桐丘城春秋左傳莊公二十八年楚伐鄭鄭人將奔桐丘卽此城也杜預春秋釋地曰潁川許昌城東北京相璠曰鄭地也今圖無而城見存西南去許昌故城可三十五里俗名之曰堤其城南卽長堤固洧水之北防也西南桐丘其城邪長而不方蓋憑丘之稱卽城之名矣洧水又東逕新汲縣故城北漢宣帝神雀二年置于許之汲鄉曲洧城以河內有汲縣故加新也案近刻此下衍漢章帝建初四年封執金吾馬光爲侯國十六字城在洧水南堤上又東洧水右池爲濩陂洧

水經注匯校

卷二十二

水又逕匡城南扶溝之匡亭也又東洧水左池爲鴨子陂謂之大穴口也

又東南過茅城邑之東北

洧水自大穴口東南逕洧陽城西南逕茅城東北又南左合甲庚溝溝水上承洧水于大穴口東北枝分東逕洧陽故城南俗謂之復陽城非也蓋洧復字類音讀變漢建安中封司空祭酒郭奉孝爲侯國其水又東南爲鴨子陂陂廣十五里餘波南入甲庚溝西注洧東北瀉沙洧水又南逕一故城西世謂之思鄉城西去洧水十五里洧水又右合濩陂水水上承洧水于新汲縣南逕新汲縣故城東又南積而爲陂陂之西北卽長社城陂水東翼洧堤西面茅

邑自城北門列築堤道迄于此岡世尚謂之茅岡卽經所謂茅城邑也。陂水北出東入洧津西納北異流。案此句有脫誤未詳又東過習陽城西折入于潁。

洧水又東南逕辰亭東俗謂之田城非也。蓋田辰聲相近。城亭音韻聯故也。經書魯宣公十一年楚子陳侯鄭伯盟于辰陵也。京相璠曰潁川長平有故辰亭杜預曰長平縣東南有辰亭今此城在長平城西北長平城在東南或杜氏之謬傳書之誤耳。長平東南淋陂北畔有一阜東西減里南北五十許步俗謂之新亭臺又疑是杜氏所謂辰亭而未之詳也。洧水又南逕長平縣故城西王莽之長正也。洧水又南分爲二水枝分東出謂之五梁溝逕習陽城北。

水經注匯校 卷二十二

古

又東逕赭丘南丘上有故城郡國志曰長平故屬汝南縣有赭丘城卽此城也。又東逕長平城南東注潞陂洧水南出謂之雞籠水故水會有籠口之名矣。洧水又東逕習陽城西西南折入潁地理志曰洧水東南至長平縣入潁者也。

潁水出河南密縣大騮山

大騮卽具茨山也。黃帝登具茨之山升于洪堤上受神芝圖于華蓋童子卽是山也。潁水出其阿流而爲陂俗謂之玉女池東逕陘山北史記魏襄王六年敗楚于陘山者也。山上有鄭祭仲冢冢西有子產墓累石爲方墳墳東有廟並東北向鄭城杜元凱言不忘本際廟舊有一枯柏樹其

塵根故株之上多生稚柏成林列秀青青望之奇可嘉矣  
潁水又東南逕長社城西北南濮北濮二水出焉劉澄之  
著永初記云水經濮水源出大隗山東北流注泗衛靈聞  
音于水上殊爲乖矣余按水經爲潁水不爲濮也是水首  
受潁水川渠雙引俱東注洧洧與之過沙枝流派亂互得  
通稱是以春秋昭公九年遷城父人于陳以夷濮西田益  
之京相璠曰以夷之濮西田益也杜預亦言以夷田在濮  
水西者與城父人服虔曰濮水名也且字類音同津瀾邈  
別不得爲北濮上源師氏傳音于其上矣潁水又南逕鍾  
亭西又東南逕皇臺西又東南逕關亭西又東南逕宛亭  
西鄭大夫宛射犬之故邑也潁水又南分爲二水一水南

水經注匯校

卷二十二

五

出逕胡城東故潁陰縣之狐人亭也其水南結爲陂謂之  
胡城陂潁水自枝渠東逕曲強城東皇陂水注之水出西  
北皇臺七女岡北皇陂卽古長社縣之濁澤也史記魏惠  
王元年韓懿侯與趙成侯合軍伐魏戰于濁澤是也其陂  
北對雞鳴城卽長社縣之濁城也陂水東南流逕胡泉城  
北故潁陰縣之狐宗鄉也又東合胡城陂水水上承皇陂  
而東南流注于黃水謂之合作口而東逕曲強城北東流  
入潁水時人謂之勅水非也勑潁音相類故字從聲變耳  
趙氏一清曰說文潁水出河南密縣大隗山南入潁从水  
異聲與職切與水經合又有潁水出河南密縣東入潁从  
水翼聲與職切潁音同而字相近其源委又同豈卽一  
水而重出者與惟其爲與職切故與勑音相類若讀作異  
相去遠矣潁水又逕東西武亭間兩城相對疑是古之岸門史

遷所謂走犀首于岸門者也徐廣曰潁陰有岸亭未知是  
否潁水又南逕射犬城東卽鄭公孫射犬城也蓋俗謬耳  
潁水又南逕潁陰縣故城西魏明帝封司空陳羣爲侯國  
其水又東南逕許昌城南又東南與宣梁陂水合陂上承  
狼陂于潁陰城西南陂南北二十里東西十里春秋左傳  
曰楚子伐鄭師于狼淵是也其水東南入許昌縣逕巨陵  
城北鄭地也春秋左氏傳莊公十四年鄭厲公獲傅瑕于  
大陵京相璠曰潁川臨潁縣東北二十五里有故巨陵亭  
古大陵也其水又東積而爲陂謂之宣梁陂也陂水又東  
南入潁水潁水又西南流逕陶城西又東南逕陶陂東  
東南入于潁

水經注匯校

卷二十二

六

潁水出鄭縣西北平地全氏曰按潁水說文以出桂陽臨武者當之而水經注汝水篇亦有出平  
輿之潁水若其出鄭縣者說文以爲潁水其音如潁其字不  
作潁也不知何時盡毛詩外傳國語孟子史漢諸書之潁胥  
改爲潁猶幸水經存  
其舊稍留說文之學

潁水出鄆城西北雞絡塢下東南流逕賈復城西東南流  
左合澨水水出賈復城東南流注于澨潁水又南左會承  
雲山水水出西北承雲山東南歷渾子岡東注世謂岡峽  
爲五鳴口東南流注于澨潁水又東南流歷下田川逕鄆  
城西謂之爲柳泉水也故史伯答桓公曰君以成周之眾  
奉辭伐罪若克虢鄆君之士也如前華後河右洛左濟主  
芟騶而食潁洧脩典刑以守之可以少固卽謂此矣潁水  
又南懸流奔壑崩注丈餘其下積水成潭廣四十餘步淵



深難測又南注于洧全氏曰按潯水不得入洧道元已詳辨之則此處注洧之說疑衍文也詩所謂溱與洧是也世亦謂之爲鄆水也

東過其縣北又東南過其縣東又南入于洧水

自鄆潯東南更無別瀆不得逕新鄭而會洧也鄭城東入洧者黃崖水也蓋經誤證耳趙氏一清曰此條又不錯則知上注必無注洧之說

渠出滎陽北河東南過中牟縣之北

風俗通曰渠者水所居也渠水自河與濟亂流東逕滎澤北東南分濟歷中牟縣之圃田澤北與陽武分水澤多麻黃草故述征記曰踐縣境便覩斯卉窮則知踰界今雖不能然諒亦非謬詩所謂東有圃草也皇武子曰鄭之有原圃猶秦之有具囿澤在中牟縣西西限長城東極官渡北

水經注匯校 卷二十二

七

佩渠水東西四十許里南北二十許里中有沙岡上下二十四浦津流徑通淵潭相接各有名焉有大漸小漸大灰小灰義魯練秋大白楊小白楊散嚇禺中羊圈大鵠小鵠龍澤密羅大哀小哀大長小長大縮小縮伯丘大蓋牛眼等浦水盛則北注渠溢則南播故竹書紀年梁惠成王十年入河水于甫田又爲大溝而引甫水者也又有一瀆自酸棗受河導自濮瀆歷酸棗逕陽武縣南出世謂之十字溝而屬于渠或謂是瀆爲梁惠之年所開而不能詳也斯浦乃水澤之所鍾爲鄭隰之淵藪矣渠水右合五池溝溝上承澤水下流注渠謂之五池口魏嘉平三年司馬懿帥中軍討太尉王凌于壽春自彼而還帝使侍中韋誕勞軍

于五池者也今其地爲五池鄉矣渠水又東不家溝水注

之 趙氏一清曰按寰宇記云鄭水一名不家溝不姓也晉

有不準古音彪或云與丕平字通春秋傳之平鄭亦

作丕蓋其地有不姓人居之故卽姓以 水出京縣東南梅

名溝也朱箋引宋本作十家溝非是 山北溪春秋襄公十八年楚蔦子馮公子格率銳師侵費

右迴梅山杜預曰在密東北卽是山也其水自溪東北流

逕管城西故管國也周武王以封管叔矣成王幼弱周公

攝政管叔流言曰公將不利于孺子公賦鴟鴞以伐之卽

東山之師是也左傳宣公十二年晉師救鄭楚次管以待

之杜預曰京縣東北有管城者是也俗謂之爲管水又東

北分爲二水一水東北流注黃雀溝謂之黃淵淵周百步

其一水東越長城東北流水積爲淵南北二里東西百步

水經注匯校

卷二十二

謂之百尺水北入圃田澤分爲二水一水東北逕東武強

城北漢書曹參傳擊羽嬰于昆陽追至葉還攻武強因至

滎陽薛瓚云按武強城在陽武縣卽斯城也漢高帝六年

封騎將莊不識爲侯國又東北流左注于渠爲不家水口

也一水東流又屈而南轉東南注白溝也渠水又東清池

水注之水出清陽亭西南平地東北流逕清陽亭南東流

卽故清人城也詩所謂清人在彭彭爲高克邑也故杜預

春秋釋地云中牟縣西有清陽亭是也清水又屈而北流

至清口澤七虎澗水注之水出華城南岡一源兩派津川

趣別西入黃雀溝東爲七虎溪亦謂之爲華水也又東北

流紫光溝水注之水出華陽城東北而東流俗名曰紫光

澗又東北注華水華水又東逕棐城北卽北林亭也春秋文公與鄭伯宴于棐林子家賦鴻雁者也春秋宣公元年諸侯會于棐林以伐鄭楚救鄭遇于北林服虔曰北林鄭南地也京相璠曰今滎陽苑陵縣有故林鄉在新鄭北故曰北林也余按林鄉故城在新鄭東如北七十許里苑陵故城在東南五十許里不得在新鄭北也攷京服之說並爲疎矣杜預云滎陽中牟縣西南有林亭在鄭北今是亭南去新鄭縣故城四十許里蓋以南有林鄉亭故杜預據是爲北林最爲密矣又以林鄉爲棐亦或疑焉諸侯會棐楚遇于此甯得知不在是而更指他處也積古之傳事或不謬矣又東北逕鹿臺南岡北出爲七虎澗東流期水注

之水出期城西北平地世號龍淵水東北流又北逕期城西又北與七虎澗合謂之虎溪水亂流東注逕期城北東會清口水司馬彪郡國志曰中牟有清口水卽是水也清水又東北白溝水注之水有二源北水出密之梅山東南而東逕靖城南與南水台南水出太山西北流至靖城南左注北水卽承水也山海經曰承水出太山之陰東北流注于役水者也世亦謂之靖澗水又東北流太水注之水出太山東平地山海經曰太水出于太山之陽而東南流注于役水世謂之禮水也東北逕武陵城西東北流注于承水承水又東北入黃翁澗北逕中陽城西城內有舊臺甚秀臺側有陂池池水清深澗水又東屈逕其城北竹書

紀年梁惠成王十七年鄭釐侯來朝中陽者也其水東北流爲白溝又東北逕伯禽城北蓋伯禽之魯往逕所由也屈而南流東注于清水卽潘岳都鄉碑所謂自中牟故縣以西西至于清溝指是水也亂流東逕中牟宰魯恭祠南漢和帝時右扶風魯恭字仲康以太尉掾遷中牟合政專德化不任刑罰吏民敬信蝗不入境河南尹袁安疑不實使部掾肥親按行之恭隨親行阡陌坐桑樹下雉止其旁有小兒親曰兒何不擊雉曰將雛親起曰蟲不入境一異化及鳥獸二異豎子懷仁三異久留非優賢請還是年嘉禾生縣庭安美其治以狀上之徵博士侍中車駕每出恭常陪乘上顧問民政無所隱諱故能遺愛自古祠享來今

水經注匯校

卷二十二

三

矣清溝水又東北逕沈清亭疑卽博浪亭也服虔曰博浪陽武南地名也今有亭所未詳也歷博浪澤昔張良爲韓報仇于秦以金椎擊秦始皇不中中其副車于此又北分爲二水枝津東注清水清水自枝流北注渠謂之清溝且渠水又左逕陽武縣故城南東爲官渡水又逕曹太祖壘北有高臺謂之官渡臺渡在中牟故世又謂之中牟臺建安五年太祖營官渡袁紹保陽武紹連營稍前依沙堆爲屯東西數十里公亦分營相禦合戰不利紹進臨官渡起土山地道以逼壘公亦起高臺以捍之卽中牟臺也今臺北土山猶在山之東悉紹舊營遺基並在渠水又東逕田豐祠北袁本初慙不納其言害之時人嘉其誠謀無辜見

戮故立祠。于是用表袁氏覆滅之宜矣。又東役水注之水出苑陵縣西隙侯亭。東世謂此亭爲卻城，非也。蓋隙卻聲相近耳。中平陂世名之望泉也。卽古役水矣。山海經曰：役山役水所出，北流注于河，疑是水也。東北流逕苑陵縣，故城北。東北流逕焦城東陽丘亭。西世謂之焦溝水。竹書紀年：梁惠成王十六年，秦公孫壯率師伐鄭，圍焦城，不克。卽此城也。俗謂之驛城，非也。役水自陽丘亭東流，逕山民城北，爲高榆淵。竹書紀年：梁惠成王十六年，秦公孫壯率師城上枳安陵山民者也。又東北爲酢溝，又東北魯溝水出焉。役水又東北塗溝水出焉。又東北爲八丈溝，又東清水枝津注之。水自沈城東派注于役水。役水又東逕曹公壘。

水經注匯校 卷二十二

三

南東與沫水合。山海經云：沫山沫水所出，北流注于役。今是水出中牟城西南，疑卽沫水也。東北流逕中牟縣故城。西昔趙獻侯自耿都，此班固云：趙自邯鄲徙焉。趙襄子時，佛肸以中牟叛，置鼎于庭，不與已者烹之。田英將褰裳赴鼎處也。朱箋說苑作田基新序作田卑，何云英或基字之譌。薛瓚注漢書云：中牟在春秋之時爲鄭之堰也。閔案堰趙本據史記集解作疆。及三卿分晉，則在魏之邦土。趙自漳北不及此也。春秋傳曰：衛侯如晉，過中牟，非衛適晉之次也。汲郡古文曰：齊師伐趙，東鄙圍中牟。此中牟不在趙之東也。按中牟當在漯水之上矣。按春秋齊伐晉，夷儀晉車千乘在中牟，衛侯過中牟，中牟人欲伐之，衛褚師固亡在中牟，曰：衛雖小，其君在，未可勝也。齊

師克城而驕遇之必敗乃敗齊師服虔不列中牟所在杜預曰今滎陽有中牟迴遠疑爲非也然地理參差土無常域隨其強弱自相吞并疆里流移甯可一也兵車所指逕紆難知自魏徙大梁趙以中牟易魏故趙之南界極于浮水匪直專漳也趙自西取後疲而潰秦遂取焉後魏惠王自安邑徙都之故曰梁耳竹書紀年梁惠成王六年四月甲寅徙都于大梁是也趙云大梁在浚儀少梁在夏陽南梁在汝水之傍三梁不可混也秦滅魏以爲縣漢文帝封孝王于梁孝王以土地下涇東都睢陽又改曰梁自是置縣以大梁城廣居其東城夷門之東夷門卽侯嬴抱關處也續述征記以此城爲師曠城言郭緣生曾遊此邑踐夷門升吹臺終古之跡緬焉盡在

水經注匯校

卷二十二

三

余謂此乃梁氏之臺門魏惠之都居非吹臺也當是誤證耳西征記論儀封人卽此縣又非也竹書紀年梁惠成王三十一年三月爲大溝于北郭以行圃田之水陳留風俗傳曰縣北有浚水像而儀之故曰浚儀余謂故浚沙爲陰溝矣浚之故曰浚其猶春秋之浚洙乎漢氏之浚儀水無他也皆變名矣其國多池沼時池中出神劍到今其民像而作之號大梁氏之劍也渠水又北屈分爲二水續述征記曰浚沙到浚儀而分也浚東注沙南流其水更南流逕梁王吹臺東陳留風俗傳曰縣有蒼頡師曠城上有列僊之吹臺北有牧澤澤中出蘭蒲止中牟齊師伐其東鄙于宜無嫌而瓚徑指潒水空言中牟所在非論證也漢高帝

十一年封單父聖爲侯國沫水又東北注于役水昔魏太祖之背董卓也間行出中牟爲亭長所錄郭長公世語云爲縣所拘趙云郭長公九字注中注功曹請釋焉役水又東北逕中牟澤卽鄭太叔攻萑蒲之盜于是澤也其水東流北屈注渠續述征記所謂自醬魁城到酢溝十里者也渠水又東流而左會淵水其水上承聖女陂陂周二百餘步水無耗竭湛然清滿而南流注于渠渠水又東南而注大梁也

又東至浚儀縣

渠水東南逕赤城北戴延之所謂西北有大梁亭非也竹書紀年梁惠成王二十八年穰疵率師及鄭孔夜戰于梁赫鄭師敗逋卽此城也左則故瀆出焉秦始皇二十年王

水經注匯校

卷二十二

三

賁斷故渠引水東南出以灌大梁謂之梁溝又東逕大梁城南本春秋之陽武高陽鄉也于戰國爲大梁周梁伯之故居矣梁伯好士功大其城號曰新里民上多僞髦衿帶牧澤方十五里俗謂之蒲關澤卽謂此矣梁王增築以爲吹臺城隍夷滅畧存故跡今層臺孤立于牧澤之右矣其臺方百許步卽阮嗣宗詠懷詩所謂駕言發魏都南向望吹臺蕭管有遺音梁王安在哉晉世喪亂乞活憑居削墮故基遂成二層上基猶方四五十步高一丈餘世謂之乞活臺又謂之繁臺城渠水于此有陰溝鴻溝之稱焉項羽與漢高分王指是水以爲東西之別蘇秦說魏襄王曰大王之地南有鴻溝是也故尉氏縣有波鄉波亭鴻溝鄉鴻

溝亭皆藉水以立稱也。今蕭縣西亦有鴻溝亭。梁國睢陽縣東有鴻口亭。先後談者亦指此以爲楚漢之分。王非也。蓋春秋之所謂紅澤者矣。趙云注言非楚漢分畫之鴻溝是矣。其云春秋之鴻澤則非也。說見獲。渠水右與汜水合。水上承役水于苑陵縣。故鄭都也。王莽之左亭縣也。役水枝津東派爲汜水者也。而世俗謂之埜溝水者。春秋左傳僖公三十年晉侯秦伯圍鄭。晉軍函陵。秦軍汜南。所謂東汜者也。其水又東北逕中牟縣南。又東北逕中牟澤。趙云按漢志河南郡中牟縣下云圃田澤在西。豫州藪卽是澤也。與淵水合。水出中牟縣故城北。城有層臺。按郭長公世語及干寶晉紀並言中牟縣故魏任城玉臺下池。中有漢時鐵錐。長六尺。入地三尺。頭西南指。不可動。正月朔。自正以

水經注匯校

卷二十二

古

爲晉氏中興之瑞。而今不知所在。或言在中陽城池臺。未知焉。是淵水自池西出。屈逕其城西。而東南流注于汜。汜水又東逕大梁亭南。又東逕梁臺南。東注渠。渠水又東南流。逕開封縣睢渙二水出焉。右則新溝注之。其水出逢池。池上承役水于苑陵縣。別爲魯溝水。東南流。逕開封縣故城北。漢高帝十一年封陶舍爲侯國也。陳留志稱阮簡字茂弘爲開封令。縣側有劫賊。外白甚急。數簡方圍。棊長嘯。吏云劫急。簡曰局上有劫。亦甚急。其耽樂如是。故語林曰。王中郎以圍棊爲坐隱。或亦謂之爲手談。又謂之爲棊聖。魯溝南際富城。東南入百尺陂。卽古之逢澤也。徐廣史記音義曰。秦使公子少官率師會諸侯。逢澤。汲郡棊竹書紀



年作秦孝公會諸侯于逢澤斯其處也故應德璉西征賦  
曰鸞衡東指弭節逢澤其水東北流爲新溝新溝又東北  
流逕牛首鄉北謂之牛建城又東北注渠卽沙水也音蔡  
許慎正作沙音言水散石也從水少沙見矣楚東有  
沙水謂此水也

又屈南至扶溝縣北

沙水又東南逕牛首鄉東南魯溝水出焉亦謂之宋溝也  
又逕陳留縣故城南孟康曰留鄭邑也後爲陳所并故曰  
陳留矣魯溝水又東南逕圍縣故城北縣苦楚難脩其干  
戈以圍其患故曰圍也或曰邊陲之號矣歷萬人散王莽  
之篡也東郡太守翟義興兵討莽莽遣奮威將軍孫建擊

水經注匯校

卷二十二

五

之于圍北義師大敗尸積萬數血流溢道號其處爲萬人  
散百姓哀而祠之又歷魯溝亭又東南至陽夏縣故城西  
漢高祖六年封陳豨爲侯國魯溝又南入渦今無水也沙  
水又東南逕斗城西左傳襄公三十年子產殯伯有尸其  
臣葬之于是也沙水又東南逕牛首亭東左傳桓公十四  
年宋人與諸侯伐鄭東郊取牛首者也俗謂之車午城矣  
沙水又東南八里溝水出焉又東南逕陳留縣裘氏鄉裘  
氏亭西又逕澹臺子羽冢東與八里溝合按陳留風俗傳  
曰陳留縣裘氏鄉有澹臺子羽冢又有子羽祠民祈禱焉  
京相璠曰今泰山南武城縣有澹臺子羽冢縣人未知  
孰是因其方志所敘就記纏絡焉溝水上承沙河而西南

流逕牛首亭南與百尺陂水合其水自陂南逕開封城東  
三里岡左屈而西流南轉注八里溝又南得野兔水口水  
上承西南兔氏亭北野兔陂鄭地也春秋傳云鄭伯勞屈  
生于兔氏者也陂水東北入八里溝八里溝水又南逕石  
倉城西又南逕兔氏亭東又南逕召陵亭西東入沙水沙  
水南逕扶溝縣故城東縣卽潁川之穀平鄉也有扶亭又  
有洧水溝故縣有扶溝之名焉建武元年漢光武封平狄  
將軍朱鮪爲侯國沙水又東與康溝水合水首受洧水于  
長社縣東東北逕向岡西卽鄭之向鄉也後人遏其上口  
今水盛則北注水耗則輟流又有長明溝水注之水出苑  
陵縣故城西北縣有二城此則西城也二城以東悉多陂

水經注匯校

卷二十二

美

澤卽古制澤也京相璠曰鄭地杜預曰澤在滎陽苑陵縣  
東卽春秋之制田也故城西北平地出泉謂之龍淵泉泉  
水流逕陵丘亭西又西重泉水注之水出城西北平地泉  
湧南流逕陵丘亭西西南注龍淵水龍淵水又東南逕凡  
陽亭西而南入白鴈陂陂在長社縣東北東西七里南北  
十里在林鄉之西南司馬彪郡國志曰苑陵有林鄉亭白  
鴈陂又引瀆南流謂之長明溝東轉北屈又東逕向城北  
城側有向岡左傳襄公十一年諸侯伐鄭師于向者也又  
東右迤爲染澤陂而東注于蔡澤陂長明溝水又東逕尉  
氏縣故城南圜稱云尉氏鄭國之東鄙弊獄官名也鄭大  
夫尉氏之邑故欒盈曰盈將歸死于尉氏也

朱箋弊獄斷  
獄也見周禮

秋官注應劭曰古獄官曰尉氏鄭之別獄也全氏祖望曰樂孺子所對周尉氏之官也道元以此證鄭尉氏之邑則溝瀆自是三分北分爲康溝東逕平陸縣故城北高后元年封楚元王子禮爲侯國建武元年以戶不滿三千罷爲尉氏縣之陵樹鄉又有陵樹亭漢建安中封尙書荀攸爲陵樹鄉侯故陳留風俗傳曰陵樹鄉故平陸縣也北有大澤名曰長樂廢趙云劉昭補注尉氏縣下引陳留志云北有大澤澤有天子苑有長樂廢漢諸帝以馴養猛獸然則廢非澤名善長誤矣康溝又東逕扶溝縣之白亭北陳留風俗傳曰扶溝縣有帛鄉帛亭名在七鄉十二亭中康溝又東逕少曲亭陳留風俗傳曰尉氏縣有少曲亭俗謂之小城也又東南逕扶溝縣故城東而東南注沙水沙水又南會南水其水南流又分爲二水一水南逕關亭東又東

水經注匯校

卷二十二

七

南流與左水合其水自枝瀆南逕召陵亭西疑卽扶溝之亭也而東南合右水世以是水與鄢陵陂水雙導亦謂之雙溝又東南入沙水沙水南與蔡澤陂水合水出鄢陵城西北春秋成公十六年晉楚相遇于鄢陵呂錡射中共王曰王召養由基使射殺之亦子反醉酒自斃處也陂東西五里南北十里陂水東逕匡城北城在新汲縣之東北卽扶溝之匡亭也亭在匡城鄉春秋文公元年諸侯朝晉衛成公不朝使孔達侵鄭伐絲訾及匡卽此邑也今陳留長垣縣南有匡城卽平丘之匡亭也襄邑又有承匡城然匡居陳衛之間亦往往有異邑矣陂水又東南至扶溝城北又東南入沙水沙水又南逕小扶城西而東南流也城卽

扶溝縣之平周亭東漢和帝永元中封陳敬王子參爲侯國沙水又東南逕大扶城西城卽扶樂故城也城北二里有袁良碑云良陳國扶樂人後漢世祖建武十七年更封劉隆爲扶樂侯卽此城也渦水于是分焉不得在扶溝北便分爲二水也

其一者東南過陳縣北

沙水又東南逕東華城西又東南沙水枝瀆西南達洧謂之甲庚溝今無水沙水又南與廣漕渠合上承龐官陂云鄧艾所開也雖水流廢興溝瀆尙夥昔賈逵爲魏豫州刺史通運渠二百里餘亦所謂賈侯渠也而川渠逕復交錯畛陌無以辨之沙水又東逕長平縣故城北又東南逕陳

水經注匯校 卷二十二

庚

城北故陳國也伏羲神農並都之城東北三十許里猶有

羲城實中案城近刻 訛作神舜後媯滿爲周陶正武王賴其器用

妻以元女太姬而封諸陳以備三恪太姬好祭祀故詩所

謂坎其擊鼓宛丘之下宛丘在陳城南道東王隱云漸欲

平今不知所在矣楚討陳殺夏徵舒于栗門以爲夏州後

趙云此下有缺文蓋敘楚莊王因申叔時之言而復封陳也然云楚討陳以爲夏州則尙有不合者左氏傳曰因縣

陳又曰乃復封陳鄉故一人以歸謂之夏州孔氏正義曰謂之夏州者討夏氏鄉取一人以歸楚而成一州故謂之

夏州蓋未嘗以城之東門內有池池水東西七十步南北

八十許步水至清潔而不耗竭不生魚草水中有故臺處

詩所謂東門之池也城內有漢相王君造四縣邸碑文字

剝缺不可悉識其略曰惟茲陳國故曰淮陽郡云云趙云按漢

志淮陽是國名不知王君閱案王君二字依趙本增清惠著聞為百姓

畏愛求賢養士千有餘人賜與田宅吏舍自損俸錢助之

成邸五官掾西華陳騏等二百五人以延熹二年云云故

其頌曰脩德立功四縣回附今碑之左右遺壙尚存基礎

猶在時人不復尋其碑證云孔子廟學非也後楚襄王為

秦所滅徙都于此文穎曰西楚矣三楚斯其一焉城南郭

裏又有一城名曰淮陽城子產所置也漢高祖十一年以

為淮陽國王莽更名郡為新平縣曰陳陵故豫州治王隱

晉書地道記云城北有故沙名之為死沙而今水流津通

漕運所由矣沙水又東而南屈逕陳城東謂之百尺溝又

南分為二水新溝水出焉溝水東南流谷水注之水源上

水經注匯校 卷二十二

堯

承澇陂陂在陳城西北南暨犖城皆為陂矣陂水東流謂

之谷水東逕澇城北王隱曰犖北有谷水是也犖即檉矣

經書公會齊宋于檉者也杜預曰檉即犖也在陳縣西北

為非檉小城也在陳郡西南谷水又東逕陳城南又東流

入于新溝水又東南注于潁謂之交口水次有大堰即古

百尺堰也魏書國志曰司馬宣王討太尉王凌大軍掩至

百尺竭即此竭也今俗呼之為山陽竭非也蓋新水首受

潁于百尺溝故堰兼有新陽之名也以是推之悟故俗謂

之非矣

又東南至汝南新陽縣北

沙水自百尺溝東逕甯平縣之故城南晉陽秋稱晉大傅

東海王越之東奔也石勒追之熾尸于此數十萬眾斂手  
受害勒縱騎圍射尸積如山王夷甫死焉余謂俊者所以  
智勝羣情辨者所以文身祛惑夷甫雖體荷儁合口擅雌  
黃汗辱君親獲罪羯勒史官方之華王趙云華王謂諒為  
襄矣沙水又東積而為陂謂之陽都陂明水注之水上承  
沙水枝津東出逕汝南郡之宜祿縣故城北王莽之賞都  
亭也明水又東北流注于陂陂水東南流謂之細水又東  
逕新陽縣北又東高陂水東出焉沙水又東分為二水即  
春秋所謂夷濮之水也枝津北逕譙縣故城西側城入渦  
沙水東南逕城父縣西南枝津出焉俗謂之章水一水東  
注即濮水也俗謂之艾水閔案艾水舊作欠水今依官戴  
本趙本作艾水引寰宇記城

水經注匯校 卷二十二

艾縣下云艾水在縣東四里受漳水南東逕城父縣之故  
流經縣入蒙水經云沙水支分東注城南東流注也

又東南過山桑縣北

山桑故城在渦水北沙水不得逕其北明矣經言過北誤也

又東南過龍亢縣南

沙水逕故城北又東南逕白鹿城北而東注也

又東南過義成縣西南入于淮

義成縣故屬沛後隸九江沙水東流注于淮謂之沙汭京  
相璠曰楚東地也春秋左傳昭公二十七年楚令尹子常  
以舟師及沙汭而還杜預曰沙水名也

水經注匯校卷二十二終